

„Grant JP Komunalno Brčko, Brčko distrikt BiH, za kabliranje 10 kV dalekovoda u MZ Broduša, Ul. Suljagića sokak“.

Član 88

U Kapitalnom budžetu za 2018. godinu Odjeljenja za komunalne poslove, na organizacionom kodu 23020001 – Pododjeljenje za kapitalne investicije, na ekonomskom kodu 821200 – Nabavka građevina, planirani iznos sredstava **umanjiti za 8.000,00 KM** na kapitalnom projektu:

„Izgradnja ulične rasvjete u Ul. Kožara u MZ Broduša (prema premjeru JP Komunalno Brčko)“,
a istovremeno,

na istom organizacionom kodu, na ekonomskom kodu 615200 – Kapitalni grantovi pojedincima, neprofitnim organizacijama, na analitičkoj stavci 615231 – Kapitalni grantovi ostalim organizacijama, planirani iznos sredstava **uvećati za 8.000,00 KM**, a na ime:

„Grant JP Komunalno Brčko, Brčko distrikt BiH, za izgradnju ulične rasvjete u Ul. Kožara u MZ Broduša“.

Član 89

U Kapitalnom budžetu za 2018. godinu Odjeljenja za komunalne poslove, na organizacionom kodu 23020001 – Pododjeljenje za kapitalne investicije, na ekonomskom kodu 821200 – Nabavka građevina, planirani iznos sredstava **se umanjuje za 50.000,00 KM** na kapitalnom projektu:

„Vodosnabdijevanje Gornja Skakava - Bijela“,
a istovremeno,

na istom organizacionom i ekonomskom kodu, planirani iznos sredstava **se uvećava za 50.000,00 KM**, a odnosi se na uvođenje novog kapitalnog projekta:

„Izgradnja arteškog bunara za poboljšanje vodosnabdijevanja naselja Gornja Skakava“.

Član 90

U Kapitalnom budžetu za 2018. godinu Odjeljenja za obrazovanje, na organizacionom kodu 20030001 - Pododjeljenje za zajedničke poslove, na ekonomskom kodu 821600 – Rekonstrukcija i investiciono održavanje, planirani iznos sredstava **se umanjuje za 1.500,00 KM**, na kapitalnom projektu:

„Rekonstrukcija i investiciono održavanje školskih objekata, investiciono-tehnička dokumentacija za realizaciju kapitalnih projekata, provođenjem mjera po rješenju inspektora“,
a istovremeno,

na organizacionom kodu 20050010 - JU Deseta osnovna škola Bijela, na ekonomskom kodu 821600 - Rekonstrukcija i investiciono održavanje, planirani iznos sredstava **se uvećava za 1.500,00 KM**, a odnosi se na uvođenje novog kapitalnog projekta:

„Dodatna sredstva za sanaciju sportskog fudbalskog terena JU Desete osnovne škole Bijela – PO G. Skakava“.

Član 91

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-482/18
Brčko, 23. 11. 2018. godine

**PREDSJEDNIK
SKUPŠTINE BRČKO DISTRIKTA BiH**
Esed Kadrić, s. r.

614

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), razmatrajući Informaciju u vezi sa stanjem izrade i nabavke Integralnog zdravstvenog informacionog sistema Brčko distrikta BiH, Skupština Brčko distrikta BiH na I. nastavku 36. redovne sjednice održane 28. novembra 2018. godine, donosi

ZAKLJUČAK

1. Zadužuje se Vlada Brčko distrikta BiH da hitno pristupi izradi projektno-tehničke dokumentacije za uspostavu integralne informatizacije zdravstvenog sistema Brčko distrikta BiH, koji će obuhvatiti osiguranike zdravstvene zaštite, Javnu zdravstvenu ustanovu, Fond zdravstvenog osiguranja, privatne zdravstvene ustanove i apoteke u Brčko distriktu BiH.

2. O realizaciji zaključka potrebno je informisati Skupštinu Brčko distrikta BiH do 28. februara 2019. godine.

3. Ovaj zaključak stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-485/18
Brčko, 28. 11. 2018. godine

**PREDSJEDNIK
SKUPŠTINE BRČKO DISTRIKTA BiH**
Esed Kadrić, s. r.

615

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), razmatrajući Informaciju o platama i naknadama menadžmenta javnih preduzeća, zavoda, fondova, članova upravnih odbora i članova nadzornih odbora, Skupština Brčko distrikta BiH na I. nastavku 36. redovne sjednice održane 28. novembra 2018. godine, donosi

ZAKLJUČAK

1. Skupština Brčko distrikta BiH zadužuje Zakonodavnu komisiju Skupštine da u saradnji sa Zakonodavnom kancelarijom gradonačelnika i drugim nadležnim skupštinskim komisijama izvrši analizu svih zakonskih propisa i drugih akata kojima se propisuju plate i naknade u javnim preduzećima, javnim ustanovama, zavodima i fondovima čiji je osnivač Brčko distrikt BiH te da u roku od 15 dana predloži Skupštini koje bi sve trebalo propise mijenjati s ciljem ujednačavanja i racionalizacije plata i naknada koje se odnose na menadžment i članove upravnih i nadzornih odbora, kao i propisivanje obaveze pribavljanja saglasnosti od strane osnivača za vrstu i iznose naknada.

2. Ovaj zaključak stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-486/18
Brčko, 28. 11. 2018. godine

**PREDSJEDNIK
SKUPŠTINE BRČKO DISTRIKTA BiH**
Esed Kadrić, s. r.

616

Na osnovu odredbe člana 14 stava 1 tačke n) Zakona o Pravosudnoj komisiji Brčko distrikta Bosne i Hercegovine (Službeni glasnik Brčko distrikta Bosne i Hercegovine, br. 19/07, 20/07 i 02/08), Pravosudna komisija Brčko distrikta Bosne i Hercegovine na 199. redovnoj sjednici, održanoj dana 26. 10. 2018. godine, donosi

**PRAVILNIK O DOPUNAMA PRAVILNIKA O ODIJEVANJU
NOSILACA PRAVOSUDNIH FUNKCIJA, SLUŽBENIKA I
NAMJEŠTENIKA U PRAVOSUDNIM INSTITUCIJAMA
BRČKO DISTRIKTA BiH**

Član 1

U Pravilniku o odijevanju nosilaca pravosudnih funkcija, službenika i namještenika u pravosudnim institucijama Brčko distrikta BiH (Službeni glasnik Brčko distrikta BiH, broj 7/17) u članu 5 iza riječi „vozači,“ dodaju se riječi „istražitelj Kancelarije za pravnu pomoć Brčko distrikta BiH,“.

Član 2

U članu 7 Pravilnika, u nazivu i tekstu, iza riječi „Uniforma vozača“, dodaju se riječi „i istražitelja Kancelarije za pravnu pomoć Brčko distrikta BiH“.

Član 3

Ovaj pravilnik stupa na snagu danom usvajanja od strane Pravosudne komisije Brčko distrikta BiH i objavit će se u Službenom glasniku Brčko distrikta BiH, a primjenjivat će se od 01. 01. 2019. godine.

Broj: SuPK-1601/18
Brčko, 26. 10. 2018. godine

**PREDSEDNIK
PRAVOSUDNE KOMISIJE**
Safet Pizović, s. r.

617

Na osnovu člana 12. Zakona o Direkciji za finansije Brčko distrikta BiH („Službeni glasnik Brčko distrikta BiH“, broj: 19/07 i 35/17), a u skladu s članom 45. Zakona o porezu na dohodak („Službeni glasnik Brčko distrikta BiH“, broj: 60/10 i 14/17), direktor Direkcije za finansije Brčko distrikta BiH d o n o s i

**PRAVILNIK
O IZMJENI I DOPUNAMA PRAVILNIKA O PRIMJENI
ZAKONA O POREZU NA DOHODAK**

Član 1.

U Pravilniku o primjeni Zakona o porezu na dohodak („Službeni glasnik Brčko distrikta BiH“, broj: 6/11 i 32/14), iza člana 56. dodaju se novi članovi 56a. i 56b. koji glase:

„Član 56a.

(1) Pravo na uvećanje ličnog odbitka iz člana 25. stav (5) Zakona o porezu na dohodak imaju rezidentni porezni obveznici koji ostvaruju dohodak od ličnih primanja, a ostvaruju to pravo na osnovu porezne kartice koju, na zahtjev poreznog obveznika, izdaje Porezna uprava Brčko distrikta BiH.

(2) Uvećanje ličnog odbitka iz stava (1) ovog člana moguće je samo za plaćenu kamatu na stambeni kredit u toku porezne godine.

(3) Pravo iz stava (1) ovog člana rezidentni porezni obveznik može koristiti samo za prvu nekretninu, odnosno samo porezni obveznik koji nije stambeno zbrinut i koji u posjedu nema niti jednu stambenu jedinicu, niti je na bilo koji način otuđio stambenu jedinicu koju je posjedovao.

(4) Podaci o stečenom pravu na uvećanje ličnog odbitka vode se u poreznoj kartici poreznog obveznika.

Član 56b.

(1) U svrhu uvećanja ličnog odbitka iz člana 56a. stava (1), rezidentni porezni obveznik je dužan dostaviti sljedeću dokumentaciju:

- kopiju ugovora o stambenom kreditu;
- izjavu rezidentnog poreznog obveznika ovjerenu kod nadležnog organa da je kredit uzet za prvu nekretninu radi rješavanja svog stambenog pitanja, da nije vlasnik ni suvlasnik stambene jedinice u zemlji i inostranstvu, niti je na bilo koji način otuđio stambenu jedinicu koju je posjedovao;
- dokaz od banke s kojom je zaključen ugovor o iznosu kamate koja je plaćena u godini za koju se ostvaruje pravo na uvećanje.“

Član 2.

U članu 71. stavu (1) iza tačke o) dodaje se nova tačka p) koja glasi:

„p) Izjava“.

Član 3.

(1) U obrascu koji je sastavni dio ovog pravilnika, „Obrazac AUG-1031 Akontacija poreza po odbitku za povremene samostalne djelatnosti“, Dio 2 – Podaci o prihodima i porezu na dohodak, u koloni 12, tekst u zagradi mijenja se i glasi: „(kolona 11 x 0,1)“.

(2) U obrascu GPD – 1051 Godišnja prijava poreza na dohodak, Dio 3 – Lični odbici, koji je sastavni dio ovog pravilnika, iza tačke 18a. dodaju se tačke 18b. i 18c. koje glase:

„18b. Odbitak po osnovu uplaćenih troškova po osnovu školovanja izdržavane djece
18c. Odbitak po osnovu uplaćenih kamata na stambeni kredit“.

(3) U obrascu GPD – 1051 Godišnja prijava poreza na dohodak, Dio 4 – Obračun porezne obaveze, koji je sastavni dio ovog pravilnika, u koloni 21. u zagradi iza teksta: „Ukupni lični odbici“, iza teksta: „18a.“ dodaje se zarez (,) i tekst: „18b. i 18c.“.

Član 4.

Ovaj pravilnik stupa na snagu osmog dana od dana objavljivanja u „Službenom glasniku Brčko distrikta Bosne i Hercegovine“.

Broj: 02- 04.1-987/17
Brčko, 01.10.2018. godine

Direktor Direkcije
Mato Lučić, dipl. ecc., s. r.

<p>Bosna i Hercegovina Brčko distrikt BiH Direkcija za finansije POREZNA UPRAVA</p>	<p>Obrazac GPD-1051 Godišnja prijava poreza na dohodak za period od _ _ _ _ do _ _ _ _ </p>	<p>Vrsta prijave: <input type="checkbox"/> osnovna <input type="checkbox"/> izmijenjena</p>
---	---	---

Dio 1 – Podaci o poreznom obvezniku

<p>1. JIB/JMB poslodavca/isplatioca □□□□□□□□□□□□□□□□</p>	<p><input type="checkbox"/> Označite ovu kućicu ukoliko su se vaši kontakt podaci izmijenili od prošle godine.</p>	<p>5. Porezni period Od _____ do _____ 20□□</p>
<p>2. Prezime i ime</p>	<p>6. Telefon</p>	
<p>3. Adresa</p>	<p>7. e-mail</p>	